

Мусулмон бўлмаганларни сирдош тутманг!

Image not found or type unknown



19:00 / 14.12.2021 3168

Аллоҳ таоло Қуръони Каримда шундай марҳамат қилган:

أَوَدُّوْا۟ اَلۡاَبۡحٰٓخُۙ مُّكۡنٰو۟لۡ اَيۡۤ اَلۡ مُّكۡنٰو۟دِۙ نَّمۡ ؕ اَطۡبٰٓ ا۟و۟ذِخۡتۡتۡ اَلۡ ا۟و۟نۡمۡۤ اَيۡ دۡلِ ا۟هۡيۡۤ اَيۡ
ا۟نۡيۡبۡ دۡقۡ رۡبِّكَۙ ا۟مۡرۡو۟دۡصۡ يۡفۡحۡتۡ ا۟مۡو۟مۡهۡ ا۟و۟فۡا۟ نۡمۡ ؕ ا۟صۡنۡعۡ بۡلۡ ا۟تۡدۡبۡ دۡقۡ مُّتۡنۡعۡ ا۟مۡ
نۡو۟لۡ قۡعۡتۡ مُّتۡنۡكۡ نۡ ا۟تۡ ا۟يۡ ا۟لۡ ا۟مۡكۡلۡ

Эй иймон келтирганлар! Ўзингиздан бошқадан сирдош тутманг. Улар сизга парокандалик келтиришда бўшашмаслар. Машаққатда қолишингизни хоҳлайдилар. Нафратлари оғизларидан кўриниб бўлди. Кўкслари махфий тутгани яна ҳам каттароқ. Батаҳқиқ, сизларга оят(белги)ларни баён қилдик, агар ақл юритсангиз. (Оли Имрон сураси, 118-оят)

Мусулмонлар ўзлари билан бирга яшаётган аҳли китобларга ортиқча ишониб кетишлари ҳоллари бор. Бу баъзида шу даражага етадики, улар

Ўзларидан бўлган мусулмонларни қўйиб, ўша ғайридинларни сирдош тутадилар. Ислон жамоасининг сирларини уларга айтадилар ёки билишларига йўл очиб берадилар. Бугунги куннинг истилоҳи билан айтганда, котиб қилиб, маслаҳатчи қилиб ёки архив бошқарувчиси қилиб олишади. Бу тўғри эмас. Аллоҳ таолонинг амри:

«Эй иймон келтирганлар! Ўзингиздан бошқадан сирдош тутманг».

Аллоҳ субҳанаҳу ва таоло ушбу оятда мусулмонларга мусулмон бўлмаганларни сирдош тутмасликка амр қилмоқда. Чунки:

«Улар сизга парокандалик келтиришда бўшашмаслар».

Мусулмонларга ёмонлик қилиш туйғуси уларнинг қонига сингиб кетган. Мусулмонлар куч-қувватга, имкониятга, мансабга эришганда уларга яқинлашиб, хизматини қилиб, ишончини қозонишга уринган кофир ва мунофиқлар сирдош бўлиб олиб, ёмонлик етказа бошлашади.

«Машаққатда қолишингизни хоҳлайдилар».

Яъни кофир ва мунофиқлар мусулмонларнинг доимо оғир машаққатда қолишларини истайдилар. Улар мусулмонларга динда ҳам, дунёда ҳам зарар етказишга тинмай уринадилар.

«Нафратлари оғизларидан кўриниб бўлди».

Яъни улар ўзларини дўст қилиб кўрсатишга ҳаракат қилсалар ҳам, оғизларидан мусулмонларга нисбатан душманликлари, ёмон кўришларига далолат бўлувчи сўзлар чиқиб туради.

«Кўкслари махфий тутгани яна ҳам каттароқ».

Уларнинг тилларига чиқмай, дилларида махфий турган душманликлари яна ҳам каттароқдир. Буни билиб олиш қийин эмас. Фақат ақл юритилса, бас:

«Батаҳқиқ, сизларга оят(белги)ларни баён қилдик, агар ақл юритсангиз».

«Тафсири Ҳилол» китоби асосида тайёрланди